

DIALUNA 3 FEBRUARI 2025

DIARIO

UN BANDERA... UN ESCUDO... UN HIMNO... UN DIARIO

☎ 582-6747

📍 Engelandstraat 29

@ noticia@diario.aw

🌐 www.diario.aw

2,00 FLORIN

DEPORTE

**A honra
conocido
atleta
Betto**

Reina di Tumba a bira Jorienne 'Gigi' Angela



ORANJESTAD (AAN): Diasabra anochi ta multitud di hende a aglomera den Balashi Beer Garden pa presencia Festival di Tumba, organiza pa SMAC. E cantidad di hende cu a acudi na esaki ta asina hopi, cu tabata mustra cu e lugar a bira chikito pa e multitud. Marduga poco prome cu 2:00 am, a bira conoci cu e ganadora maximo a bira Jorienne Angela, mihor conoci como 'Queen Gigi'. E dama aki ta un Rookie y a presenta e cancion "Ban Cumi". Ganador di Tumba Loco a bira Tyson Croes cu su cancion 'Cuki Lerchi'.

Mas detaye awe den DIARIO.

Un biaha mas a saca un reina...

Reina di Tumba a bira Jorienne 'Gigi' Angela



ORANJESTAD (AAN): Diasabra anochi ta multitud di hende a aglomera den Balashi Beer Garden pa presencia Festival di Tumba, organiza pa SMAC. E cantidad di hende cu a acudi na esaki ta asina hopi, cu tabata muestra cu e lugar a bira chikito pa e multitud.

Un total di 14 participante riba escenario a competi, y di trempa mesora a trece ambiente total den e lugar.

Na final di e anochi, poco prome cu 2:00 am, a bira conoci cu e ganadora maximo a bira Jorienne Angela, mihor conoci como 'Queen Gigi'. E dama aki ta un Rookie, y alavez a bira conoci algun siman pasa ora cu el a causa sensacion di su trabao como Maestro di Ceremonia pa Eleccion

Reina Infantil y Hubenil di Carnaval.

Jorienne a gana cu su cancion 'Ban Cumi', cu ta un composicion di Quincy Hasham, Janiro Eidsen, y Rygel Isabella. E areglista ta Rygel Isabella, y el a wordo acompaña pa banda D'Licious.

Su voz cu bon tonada, articulacion perfecto, y su energia durante canto ta algo cu a sobresali inmediatamente ora cu Jorienne a presenta su cancion pa prome biaha. Publico a sinti mesora cu ta un dama lo sali ganadora, y na final esey a resulta berdad.

Prome Finalista di anochi a bira Chendell Beaumont cu e cancion "Caya Pidi", cu ta su propio composicion, y aregla door di Dwight Leoneta. Acompaña pa

Buleria.

Segundo Finalista di anochi a bira Zaïna Falconi cu e cancion 'Yena cu Color', componi pa Chendell Beaumont, y aregla pa Rygel Isabella. El a wordo acompaña pa Buleria.

Ganador di Premio Tumba Loco a bay pa Tyson Croes cu e cancion 'Cuki Lerchi', componi door di Rygel Isabella y Janiro Eidsen, y aregla pa Rygel Isabella.

Como 'Rookie of the Year' a premia Jorienne Angela. Premio di Mihor Costume a bay pa Veloushka Krozendijk. Artista mas Popular a bira Jorienne Angela.

Premio di Mihor Composicion a bay pa

e cancion di Jorienne Angela, cual a ser componi pa Quincy Hasham, Janiro Eidsen y Rygel Isabella.

Premio pa Mihor Areglo a bay pa e cancion di Zaïna Falconi, aregla pa Rygel Isabella.

Pabien na tur ganador, y felicitacion na e organizador. Nan a sa di yena Balashi Beer Garden yen-yen y tabata un gran exito.

